



Broj: 05/1-50-13-26-39-3/17
Sarajevo, 13.12.2017.

ZAPISNIK

39. sjednice Nezavisnog odbora Parlamentarne skupštine BiH

Sjednica je održana 13.12.2017., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Vladana Savić, stručna savjetnica u Sektoru za druga parlamentarna tijela, Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 39. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 38. sjednice Nezavisnog odbora;
2. Razmatranje Izvještaja sa sastanka članova Nezavisnog odbora s ministrom sigurnosti BiH;

3. Razmatranje informacija dostavljenih od Državne agencije za istrage i zaštitu, Granične policije BiH i Direkcije za koordinaciju policijskih tijela BiH u vezi sa zaključcima Nezavisnog odbora s 37. sjednice;
4. Razmatranje Informacije Državne agencije za istrage i zaštitu, broj: I-16-11-04-1-537-9/16, od 27.11.2017.;
5. Donošenje Odluke o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine i utvrđivanje teksta Javnog konkursa;
6. Razmatranje Prijedloga plana rada Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2018. godinu;
7. Razmatranje Nacrta zakona o policijskim službenicima BiH u kontekstu zaključaka Nezavisnog odbora s 32. sjednice;
8. Tekuća pitanja.

Ad.1. Usvajanje Zapisnika 38. sjednice Nezavisnog odbora

Zapisnik 38. sjednice Nezavisnog odbora jednoglasno je usvojen, bez primjedbi.

Ad.2. Razmatranje Izvještaja sa sastanka članova Nezavisnog odbora s ministrom sigurnosti BiH

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da su, u skladu sa zaključkom s 38. sjednice Nezavisnog odbora i Planom rada Nezavisnog odbora za 2017. godinu, Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, i Mato Jozić, drugi zamjenik Nezavisnog odbora, 23.11.2017. održali sastanak s ministrom sigurnosti BiH Draganom Mektićem, o čemu je sačinjen i pisani izvještaj.

Nezavisni odbor je jednoglasno, bez primjedbi, usvojio Izvještaj sa sastanka članova Nezavisnog odbora s ministrom sigurnosti BiH.

Ad.3. Razmatranje informacija dostavljenih od Državne agencije za istrage i zaštitu, Granične policije BiH i Direkcije za koordinaciju policijskih tijela BiH u vezi sa zaključcima Nezavisnog odbora s 37. sjednice

U sklopu ove tačke dnevnog reda predsjednica Nezavisnog odbora Tatjana Klječanin-Martić istakla je da su, u skladu sa zaključcima Nezavisnog odbora s 37. sjednice, Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH upućeni dopisi za dostavljanje podataka o isteku mandata rukovodilaca i zamjenika rukovodilaca ovih policijskih tijela, kao i podataka o eventualnom ispunjavanju uslova za odlazak u penziju, te dostavljanje podataka, odnosno tabelarni prikaz o nacionalnoj zastupljenosti policijskih službenika po organizacionim jedinicama i činovima u tim policijskim tijelima, kao i procentom zastupljenosti konstitutivnih naroda i ostalih.

U vezi s tim, istakla je da je Državna agencija za istrage i zaštitu dostavila akt broj: 16-11-50-7857-3/17, od 2.11.2017. (zaprimljen u Pisarnici Parlamentarne skupštine BiH 3.11.2017. i zaveden pod brojem: 05/1-50-13-26-37/17), Granična policija BiH akte broj: 17-01-50-3782/17, od 30.10.2017. (zaprimljen u Pisarnici Parlamentarne skupštine BiH 6.11.2017. i zaveden pod brojem: 05/1-50-13-26-37/17), i broj: 17-01-50-3781/17, od 8.11.2017. (zaprimljen u Pisarnici Parlamentarne skupštine BiH 15.11.2017. i zaveden pod brojem: 05/1-50-13-26-37-4/17), a Direkcija za koordinaciju policijskih tijela BiH akte broj: 20-07-50-1879-2/17, od 3.11.2017. (zaprimljen u Pisarnici Parlamentarne skupštine BiH 6.11.2017. i zaveden pod brojem: 05/1-50-13-26-37/17), i broj: 20-07-50-1878-2/17, od 17.11.2017. (zaprimljen u Pisarnici Parlamentarne skupštine BiH 22.11.2017. i zaveden pod brojem: 05/1-50-13-26-37-6/17), kao i njegovu ispravku, odnosno akt broj: 20-07-50-1878-3/17, od 24.11.2017. (zaprimljen u Pisarnici Parlamentarne skupštine BiH 27.11.2017. i zaveden pod brojem: 05/1-50-13-26-37-6/17), što je po prijemu proslijeđeno svim članovima Nezavisnog odbora, te otvorila raspravu.

Nakon rasprave, u kojoj su učestvovali svi članovi Nezavisnog odbora, jednoglasno je zaključeno da dostavljeni podaci nisu potpuni, odnosno nisu u skladu s traženim, te je odlučeno da je potrebno zatražiti dostavljanje podataka koji nisu dostavljeni, shodno navedenim zaključcima Nezavisnog odbora.

Ad.4. Razmatranje Informacije Državne agencije za istrage i zaštitu, broj: I-16-11-04-1-537-9/16, od 27.11.2017.

Informacija Državne agencije za istrage i zaštitu jednoglasno je primljena k znanju.

Ad.5. Donošenje Odluke o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine i utvrđivanje teksta Javnog konkursa

Nakon kratke rasprave, članovi Nezavisnog odbora jednoglasno su usvojili Odluku o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine, te utvrdili tekst Javnog konkursa.

Javni konkurs bit će raspisan za pozicije: direktor Granične policije Bosne i Hercegovine, broj izvršilaca 1 (jedan), zamjenik direktora Granične policije Bosne i Hercegovine, broj izvršilaca 1 (jedan), zamjenik direktora Državne agencije za istrage i zaštitu, broj izvršilaca 1 (jedan), direktor Direkcije za koordinaciju policijskih tijela Bosne i Hercegovine, broj izvršilaca 1 (jedan), te zamjenik direktora Direkcije za koordinaciju policijskih tijela Bosne i Hercegovine, broj izvršilaca 2 (dva).

Javni konkurs bit će objavljen u „Službenom glasniku BiH“, „Službenom glasniku Brčko Distrikta BiH, u dnevnim novinama: „Dnevni avaz“, „Glas Srpske“ i „Večernji list“, kao i na veb-stranici Parlamentarne skupštine BiH.

Ad.6. Razmatranje Prijedloga plana rada Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2018. godinu

Članovi Nezavisnog odbora jednoglasno su usvojili Plan rada Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2018. godinu.

Ad.7. Razmatranje Nacrta zakona o policijskim službenicima BiH u kontekstu zaključka Nezavisnog odbora s 32. sjednice

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da je Nezavisni odbor na 32. sjednici, održanoj 15.5.2017., donio zaključak kojim je predloženo da Ministarstvo sigurnosti BiH u konsultacijama prilikom izrade Zakona o policijskim službenicima BiH Nezavisnom odboru dostavi Nacrt zakona, a radi davanja eventualnih sugestija i prijedloga, te da je predmetni nacrt dostavljen, nakon čega je otvorila raspravu. U raspravi je učestvovala većina članova Nezavisnog odbora, nakon čega je odlučeno da se rasprava o ovom pitanju nastavi na narednoj sjednici Nezavisnog odbora.

Ad.8. Tekuća pitanja

U okviru ove tačke dnevnog reda jednoglasno je primljeno k znanju Rješenje prvostepene disciplinske komisije Direkcije za koordinaciju policijskih tijela BiH, broj: 20-D/K-50-17-3/17, od 16.11.2017., o pokretanju disciplinskog postupka protiv zamjenika direktora Direkcije za koordinaciju policijskih tijela BiH Uroša Pene.

Prije daljnje rasprave o ovoj tački dnevnog reda, predsjednica Nezavisnog odbora konstatirala je da je Mato Jozić, drugi zamjenik predsjednice Nezavisnog odbora, iz objektivnih razloga morao napustiti sjednicu.

Dalje, u okviru ove tačke dnevnog reda predsjednica Nezavisnog odbora Tatjana Klječanin-Martić istakla je da je Nezavisni odbor 6.12.2017. zaprimio anonimnu pritužbu na rad direktora Direkcije za koordinaciju policijskih tijela BiH Mirsada Vilića, koja je u Pisarnici Parlamentarne skupštine BiH zavedena pod brojem: 05/1-50-17-2827/17 i po prijemu prosljeđena svim članovima Nezavisnog odbora, te otvorila raspravu o ovom pitanju. Nakon rasprave, članovi Nezavisnog odbora su, sa sedam glasova „za“ i jednim „protiv“, odlučili da će o ovoj pritužbi razgovarati s rukovodstvom Direkcije za koordinaciju policijskih tijela BiH prilikom sljedeće posjete članova Nezavisnog odbora ovoj policijskoj agenciji.

Također, Nezavisni odbor primio je k znanju Odluku Zajedničke komisije za administrativne poslove Parlamentarne skupštine BiH, broj: 03/5-50-14-11-25,6/17, od 4.12.2017.

U sklopu ove tačke dnevnog reda dogovoreno je da se sljedeća sjednica Nezavisnog odbora održi 15.1.2018. u 17 sati.

Predsjednica Nezavisnog odbora Tatjana Klječanin-Martić zaključila je sjednicu u 19,40 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić